

Broj: 07/1-14-19094/17

Datum: 02.08.2017. godine

Na osnovu člana 70. st. (1) Zakona o javnim nabavkama („Sl. glasnik BiH“ broj: 39/14), Odluke o pokretanju postupka javne nabavke radova na rekonstrukciji elektroinstalacija u zgradi Ministarstva finansija (jaka i slaba struja) broj: 07/1-05-17053/17 od 03.07.2017. godine, Tenderske dokumentacije za javnu nabavku radova broj: 07/1-05-17053-4/17, od 05.07.2017. godine i Obavještenja o nabavci br.: 111-1-3-9-3-2/17, na preporuku Komisije za javnu nabavku broj: 07/1-05-17053-9/17 od 01.08.2017. godine, u postupku javne nabavke radova na rekonstrukciji elektroinstalacija u zgradi Ministarstva finansija (jaka i slaba struja), Ministar finansija donosi:

ODLUKU o izboru najpovoljnijeg ponuđača

Član 1.

Prihvata se Preporuka Komisije broj: 07/1-05-17053-9/17 od 01.08.2017. godine u postupku javne nabavke radova na rekonstrukciji elektroinstalacija u zgradi Ministarstva finansija (jaka i slaba struja), te se utvrđuje da je najbolji ponuđač DOO „EP-RESET“ KALESIJA, Ulica Žrtava genocida u Srebrenici bb, Kalesija.

Član 2.

Sa ponuđačem DOO „EP-RESET“ KALESIJA sklopiće se Ugovor o javnoj nabavci – izvođenju radova iz člana 1. ove Odluke, po ponuđenoj cijeni od 79.700,00 KM, bez PDV-a.

Ugovor o izvođenju radova dostaviće se na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru najpovoljnijeg ponuđača.

Član 3.

Ova odluka objaviće se na web-stranici www.vladatk.kim.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama BiH („Službene novine BiH“, broj: 39/14).

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH („Službene novine BiH“, broj: 39/14).

Obrazloženje

Postupak javne nabavke pokrenut je Odlukom o pokretanju postupka javne nabavke radova na rekonstrukciji elektroinstalacija u zgradi Ministarstva finansija (jaka i slaba struja) broj: 07/1-05-17053/17 od 03.07.2017. godine.

Procijenjena vrijednost javne nabavke bez PDV-a iznosila je 115.000,00 KM.
Javna nabavka je provedena putem otvorenog postupka.

Obavještenje o nabavci broj: 111-1-3-9-3-2/17 objavljeno je na Portalu javnih nabavki dana 05.07.2017. godine, a sažetak obavještenja o nabavci objavljen je u „Sl. glasniku BiH“, br. 49/17 od 07.07.2017. godine.

Komisija za javnu nabavku imenovana Rješenjem broj: 07/1-05-17053-1/17 od 03.07.2017. godine, dana 02.08.2017. godine dostavila je Ministru finansija Zapisnik o ocjeni ponuda broj: 07/1-05-17053-8/17 od 01.08.2017. godine, Preporuku broj: 07/1-05-17053-9/17 od 01.08.2017. godine i Izvještaj o radu komisije broj: 07/1-05-17053-10/17 od 01.08.2017. godine, u postupku javne nabavke radova na rekonstrukciji elektroinstalacija u zgradi Ministarstva finansija (jaka i slaba struja).

Iz Zapisnika o ocjeni ponuda i Izvještaja o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispljelih ponuda, o čemu je sačinila odgovarajuće zapisnike, u kojima je utvrđeno da je blagovremeno pristiglo ukupno pet ponuda ponuđača i to:

1. DOO „EP-RESET“ Kalesija
2. DOO „Elektrocentar Petek“ Tuzla
3. DOO „Deling“ Tuzla
4. DOO „Kalelektrik“ Živinice
5. DOO „Elektroenergetik“ Tuzla.

Nakon otvaranja ponuda Komisija je pristupila njihovom vrednovanju i ocjenjivanju.

Komisija je uvidom u ponude i priloženu dokumentaciju ustanovila slijedeće:

- listovi Ponude DOO „Elektrocentar Petek“ Tuzla nisu parafirani
- u Ponudi DOO „Elektroenergetik“ Tuzla, Garancija za ozbiljnost ponude izdata od strane Sberbank BH d.d. Sarajevo, Poslovnica Tuzla 1, oštećena je na način da je u gornjem desnom uglu garancija numerisana i parafirana.

U tački 4.2 Tenderske dokumentacije Način dostavljanja ponuda navedeno je da „svi listovi ponude moraju biti čvrsto uvezani i parafirani, sa numerisanim stranicama.“

U tački 5.1. Tenderske dokumentacije Garancija za ozbiljnost ponude navedeno je da „garancija ne smije biti ni na koji način oštećena (bušenjem i sl.), jer probušena ili oštećena garancija se ne može naplatiti. Ukoliko garancija za ozbiljnost ponude nije dostavljena na propisan način, ugovorni organ će takvu ponudu odbaciti.“

Obzirom da Ponude DOO „Elektrocentar Petek“ Tuzla i DOO „Elektroenergetik“ Tuzla ne ispunjavaju zahtjeve iz Tenderske dokumentacije, Komisija je zaključila da ih valja odbaciti, u skladu sa članom 68. stav (4) tačka i) Zakona o javnim nabavkama BiH.

Komisije je konstatovala da je u ponudi ponuđača „EP-RESET“, DOO Kalesija dostavljena potvrda o solventnosti transakcijskog računa kod Bosna Bank International d.d. Sarajevo, Filijala Tuzla, Poslovnica Kalesija broj: 034-11-18-53/17 od 20.07.2017. godine u kojoj se navodi da račun klijenta EP-RESET DOO, broj: 141-389-53200140-53 u periodu od proteklih šest mjeseci do dana izdavanja potvrde nije bio blokiran. U potvrdi koja je dostavljena nije bilo vidljivo da je navedeni račun GLAVNI račun, kao što je traženo u tenderskoj dokumentaciji.

Komisija je, takođe, konstatovala da u ponudi ponuđača „Kalelektrik“, D.O.O. Živinice Potvrda NLB Banke, d.d. Sarajevo, Filijala Kalesija, broj: 1014-130/17, od 10.07.2017. godine i Potvrda Bosna Bank International d.d. broj: 034-19-22-182/2017, od 10.07.2017. godine, a koje služe kao dokaz ekonomsko finansijske sposobnosti ponuđača, i kojim se

dokazuje da računi broj: 1321499309029281 i 1413905320001103 nisu bili u blokadi u posljednjih šest mjeseci, ne sadrže naznaku koji je račun GLAVNI račun ponuđača.

U tenderskoj dokumentaciji za predmetnu nabavku pod tačkom 3.3. Ekonomsko finansijska sposobnost, navedeno je:

“Ponuđač je kao dokaz ekonomsko-finansijske sposobnosti dužan dostaviti potvrdu od poslovne banke da u zadnjih 6 mjeseci od dana izdavanja potvrde GLAVNI račun nije bio u blokadi. Dokaz može biti obična kopija i ne smije biti stariji od 30 dana od dana dostavljanja ponude.”

Komisija se usaglasila da će od navedenih ponuđača tražiti pojašnjenje i nastaviti sa radom u ovom postupku nakon isteka roka ponuđačima za dostavljanje odgovora.

Komisija je završila sa radom u 15:00 sati.

Od ponuđača „EP-RESET“, DOO Kalesija je, putem Zahtjeva za pojašnjenje broj: 07/1-05-17053-6/17 od 27.07.2017. godine, zatraženo pojašnjenje-potvrda banke da je račun naveden u potvrdi i GLAVNI račun ponuđača.

Ponuđaču je ostavljen rok za dostavljanje odgovora najkasnije do ponedjeljka 31.07.2017. godine do 15:00 sati putem fax-a broj 250-534 ili skenirano na mail minfintk@bih.net.ba ili lično, u Pisarnicu Ureda za zajedničke poslove na adresi Rudarska 57, Tuzla.

Od ponuđača „Kalelektrik“, D.O.O. Živinice je, putem Zahtjeva za pojašnjenje broj: 07/1-05-17053-7/17 od 27.07.2017. godine zatraženo pojašnjenje-potvrda banke koji od računa navedenih u povrdama GLAVNI račun ponuđača.

Ponuđaču je ostavljen rok za dostavljanje odgovora najkasnije do ponedjeljka 31.07.2017. godine do 15:00 sati putem fax-a broj 250-534 ili skenirano na mail minfintk@bih.net.ba ili lično, u Pisarnicu Ureda za zajedničke poslove na adresi Rudarska 57, Tuzla.

Oba ponuđača su dostavila tražena pojašnjenja, dana 27.07.2017. godine, te je Komisija nastavila sa radom 28.07.2017. godine u 11 sati.

Komisija je konstatovala slijedeće:

- ponuđač „EP-RESET“ KALESIJA, DOO dostavio je, dana 27.07.2017. godine potvrdu Bosna Bank International d.d. broj: 034-11-18-12/17, od 27.07.2017. godine kojom se potvrđuje da ponuđač u toj banci posjeduje GLAVNI račun broj: 1413895320014053, koji nije bio blokiran u proteklih šest mjeseci do dana izdavanja potvrde

- ponuđač „KALELEKTRIK“ DOO ŽIVINICE dostavio je potvrdu NLB banke, d.d. Sarajevo, Filijala Kalesija, broj: 1014-27-01/17, od 27.07.2017. godine, kojom se potvrđuje da ponuđač u toj banci ima aktivan transakcijski račun broj 132-140-0309029281, koji je bio likvidan u posljednjih 6 mjeseci, odnosno nije bio blokiran, te da je taj račun GLAVNI račun ponuđača.

Komisija je, uvidom u priloženu dokumentaciju ponuđača, utvrdila da ponuđači DOO „Kalelektrik“ Živinice i DOO „Deling“ Tuzla nisu dostavili traženu dokumentaciju, kako bi ostvarili pravo na primjenu preferencijalnog tretmana domaćeg.

Tačkom 4.8. Tenderske dokumentacije Preferencijalni tretman domaćeg predviđeno je da je ponuđač, u svrhu dokazivanja o ispunjavanju uslova za primjenu preferencijalnog tretmana domaćeg, dužan dostaviti „uvjerenje nadležne poreske uprave kojom se potvrđuje da je najmanje 50% od ukupnog broja uposlenika ponuđača (pravnog lica ili podružnice-zavisno od toga ko dostavlja ponudu) rezidenata Bosne i Hercegovine. Ukoliko ponuđač ne dostavi dokaz, ugovorni organ na njega neće primijeniti preferencijalni tretman domaćeg.“

Ponuđač DOO „Deling“ Tuzla dostavio je Potvrdu Vanjskotrgovinske komore Bosne i Hercegovine broj: 05-05-3-27-2936/17, od 24.07.2017. godine kojom se potvrđuje da radovi Rekonstrukcija elektroinstalacija u zgradi Ministarstva finansija TK (jaka i slaba struja) zadovoljavaju uvjete za izdavanje certifikata o bh porijeklu.

Ponudač DOO „Kalelektrik“ Živinice dostavio je Listu osiguranih lica za obveznika „Kalelektrik“ d.o.o, izdatu od strane Porezne uprave Federacije BiH, KPU Tuzla, PU Živinice broj: 13-3/8-15-50-6852, od 03.07.2017. godine i Izjavu broj: 11-07/17, od 24.07.2017. godine, kojom Ponudač potvrđuje da je sva uposlena radna snaga za izvođenje predmetnog ugovora iz BiH i najmanje 50% roba porijeklom iz BiH.

Obzirom da navedeni ponuđači nisu dostavili uvjerenje nadležne poreske uprave kojom se potvrđuje da je najmanje 50% od ukupnog broja uposlenika ponuđača (pravnog lica ili podružnice-zavisno od toga ko dostavlja ponudu) rezidenata Bosne i Hercegovine, Komisija je zaključila da DOO „Deling“ Tuzla i DOO „Kalelektrik“ Živinice ne ispunjavaju uslove za primjenu preferencijalnog tretmana domaćeg, ali ispunjavaju uslove za kvalifikaciju za učešće za e-aukciji.

Komisija je ustanovila da su tri ponuđača ispunila uslove predviđene tenderskom dokumentacijom. Prije sačinjavanja rang liste, u obzir su se uzeli i dokazi o primjeni preferencijalnog tretmana domaćeg koje je dostavio ponuđač DOO „EP-RESET“ Kalesija

Uvažavajući preferencijalni tretman domaćeg, sačinjena je rang lista ponuđača kako slijedi:

Redni broj	Naziv ponuđača	Ukupna cijena sa popustom bez PDV-a (KM)	Preferencijalni tretman domaćeg (umanjenje za 10%)
1.	DOO „KALELEKTRIK“ Živinice	86.464,20	NE
2.	DOO „EP-RESET“ Kalesija	108.397,83 *	DA
3.	DOO „DELING“ Tuzla	99.552,80	NE

*označava cijenu na koju se primjenjuje preferencijalni tretman

Obzirom da je provođenje e-aukcije bilo predviđeno tenderskom dokumentacijom, Komisija je predložila Ugovornom organu da zakaže e-aukciju, za dan 31.07.2017. godine u 14:00 sati. Ministarstvo finansija je, kao ugovorni organ, proveo e-aukciju u zakazano vrijeme i dostavio Komisiji Izvještaj o toku i završetku e-aukcije kreiran 31.07.2017. godine u 14:48 sati. U Izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene uz primjenu preferencijalnog tretmana domaćeg. Komisija je na osnovu Izvještaja sačinila konačnu rang listu ponuđača kako slijedi:

	Naziv / ime ponuđača	Konačna cijena u KM (bez PDV-a)
1.	DOO „EP-RESET“ Kalesija	79.700,00*
2.	DOO „DELING“ Tuzla	72.000,00
3.	DOO „KALELEKTRIK“ Živinice	74.213,00

*Označava cijenu na koju se primjenjuje preferencijalni tretman

Komisija je nakon ocjene ponuda i izvršene e-aukcije dala Preporuku ugovornom organu da donese odluku o izboru najpovoljnijeg ponuđača i ugovor o javnoj nabavci – izvođenju radova na rekonstrukciji elektroinstalacija u zgradi Ministarstva finansija (jaka i slaba struja) zaključi sa ponuđačem DOO „EP-RESET“ Kalesija sa najnižom ponuđenom cijenom u iznosu od 79.700,00 KM bez PDV-a.

Ugovorni organ nije našao razloge, nepravilnosti, niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača

izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Shodno navedenom, primjenom člana 64. stav (1), tačka b) Zakona o javnim nabavkama, odlučeno je kao u članu 1. dispozitiva ove Odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka ili elektronskim putem.

M.P

Ministar

Jakub Suljkanović, dipl. ecc.

Dostaviti:

- Ponuđaču: DOO „EP-RESET“, Kalesija
- Ponuđaču: DOO „DELING“ Tuzla
- Ponuđaču: DOO „KALELEKTRIK“ Živinice
- Ponuđaču: DOO „Elektrocentar Petek“ Tuzla
- Ponuđaču: DOO „Elektroenergetik“ Tuzla
- a/a